


BAKURUBASANNI

(nimoro 12 songs)

Mali kono = Dōrōme 300

Afiriki kono = Dōrōme 600


Jamana wəre = Dōrōme 1000



Kunnafoniseben bota kalo o kalo. BP: 24 Téléfoni : 20-21-21-04. Bosola Bamako-Mali. San 37nan boko 450nan A songo : dōrōme 15

Moggoya ani du sariya bena fesefese kokura depitew fe

Sariya kura min tara mogoya ani du kunkan, a mankan bonyara kosebe jamanadenwfs, fojamanakuntigi Amadu Tumani Ture kumana a kan araba sufé utikalo tile 26. A y'a jira a ka kɔrfow la, ko sariya in be lasegin depitew ma u k'a fesefese kokura. Jamanakuntigi ye nin hakilila in ta a ni jamana nemogobaw ka pogonye min kera taratodon ani Bamako dugutigilakaw, silamediine ni kerecendiine nemogow; hadamadenya sabatilijekulu mogow ani soronadonnaaw ka arabadon pogonye, olu kofe. A ka fo la, a y'a jo nin joyoro in na



walasa ben ni kelenya ka to jamanadenw ni pogon ce. A ko mogo caman sonnen te

sariya kura in yoro minnu ma, n'olu latilenna, a na ke sariya ye, jamanaden be se be son min waleyali ma. Jamanakuntigi ka jate la sariya in tena ke baasi ye n'a yoro dōw latilenna. Sabula a sariya 1.143 mumena, mankan be minnu kan o ye 10 doron ye. Depite minnu jenna ni mogoya ani du sariya kura ye utikalo tile 3, a y'a jira k'a ma jigi u la, k'a n'u be haminanko ye kelen ye. Nka a ka fo la, a ye depitew nemogow kuma pogonya folo sanni a k'a fo ko sariya in be lasegin u ma, u k'a fesefese kokura. A k'o kun ye basigt ka sabati jamana kono.

Moggoya ani du taabolo sariya kura tara depitebulonba fe

In kumana Moggoya ani du taabolo sariya poroze kan san 2009 mēkalo Kibar boko 449-nan kono, a ne 6nan na, k'a jira ko goferenaman dijena n'a ye. Depitew y'a segesége ka ben a kan utikalo tile 3 k'a duguje tarata la. Depite 117 dijena n'a ye, 5 mason, 4 muso. Sariyako Minisiri tun be kene kan ka seben in lafasa. Mogoya ani du taabolo sariya labenna k'a ke sariyasen 1.143 ani dakun 10 ye.

Depitew ma fo pogon ko sariyasen ninnu caman na. Nka silamefurusiri lakodōnbalaya fanga fe kasoro jamanadenwtaabolodon, okuma cayara kosebe. Ciwentako fana kuma cayara. Furu den ani den min te furu den ye, olu damakejena niyoro la ciyen tilali la, ka tila ka muso ni ce damakejne, o cogoya kelen na. Nka n'a ka di mogo min ye, i be seben ke walima ka seere nini sann'i ka sa k'i ka tine tilacogo pereperelatige, n'a be ke diine sira kan walima i sagolata walima fanga sira kan.

Fen min ye dutigiya ye, o tora ce bolo. A sago b'a muso n'a denw na, nka

nogonbonya kono. Sariyasenw ye fanga dimuso ma; k'a niyoroji sigi furu kono, a te se ka diyagoya ko la, min man'di a ye, minte bena ma. Furunafolokera sefawari 3.000 ye, npogotigi fara finitiigi kan. Ce fara muso kan, furute daga u yefon'uye san 18 soro.

Sariya kura ninnu y'a jira ko ce ni muso de be furu Mali kono. Ce ni ce, walima muso ni muso, olu te se ka furu

pogon ma Mali kono. Nka musow ni denmisewn ye niyoroba soro nin sen in ta la ka teme folo sariyaw kan.

A tun to tora jamanakuntigi ka sariya in bolili yamaruya jamana kono. O yamaruyasseben in tun mana bo tuma min na, a tun be bila sariya kōronona min tara 1962 san na..

Amadu Omaru Jalo
Mahamadu Konta

KONOKO

Moggoya ani du taabolo sariya bennenté silamewma
Senekdaw bu tannitalili la Ofisikono
Jorfeere labanna Afrikimara li na nansa aw fe
Muso 30w ba se riginye kasoro uta ogn u konjnadon
Ka lankeu n° 83nan - Demokarasi
Djekane 61ran - Djekura sato suguyaw (2)
Segu nistiba kurunbonkarila
Nisw ka konofine sapabu ka ca
Djekane 49nan la

Mogo ya ani du sariya kura bennet te silamew ma

Sariya kura tara ka jesin mogo ya ani du taabolo ma Mali kono. Depitebulon jenna n'o ye, o waleya in bennen te Maliden caman ma; keremkerennnenya la silamediine nemogow.


Sibiridon utikalo tile 15 san 2009, silamejekuluw ka tonba min be Mali kono n'o nansarakan daje surun ye «HCIM» ye, o ye mogo caman wuli ka jo u sen kan Bamako.

Nisongoyajirataama tun don ka bo Mali baarakelaw lafasaliton dagayoro (*bourse du travail*) la ka se kono ba (monument de la paix) ma. Taama in daminenwa wulafenege kanje 16nan waati la. A sebennen tun be fini jow kan taamana ninnu bolo, k'«An ma jen ni sitaneyakow ye; an ma jen ni musolapereninya ani yeresagoke sariya ye; silameya taabolow b'anw bo». A sebennen tun be fini je dow fana kan, ko «Nafa jumen be depitew sarali la n'u te sariyaw nefs jamanadenw ye»; «Alahu Akibaru, Lahilà llala».

Bamako silamediine nemogow caman tun be taama in na. Yanni du ani mogo ya taabolo poroze ka dajira depitew la, silamew tun y'a jira k'u ma jen ni sariyasen do yelemani ye. O sariyasen tun b'a jira ko muso ka kan k'a ce bonya furu kono. Ko ce fana ka kan k'a muso lakana. Sariya kura in na, a jira ko ce ni muso ka kan k'u tilen nogon ye ani ka nogon deme. Naniya min sirilen be ka jesin den minnu ma soro furu kono, silamew k'u ma jen n'o fana ye; ka fara ciyen tilacogo kan denkew ni denmusow ce, ani silamefurusiri lakodonbalya sariya fe.

Politikiton min be wele «UNPR». Modibo Sangare y'o nemogo ye; a y'a jira ko sariya kura min talen file du ani mogo ya taabolo la, o ye kumasuuliko ye, min b'an ka laada numanw lagosi. A ka fo la, "an te jen n'a ye bi, an te jen n'a ye sini". A y'a jira tuguni, ko sariya kura in ye bomu (perenbaranin) de ye. K'a be se ka peren sanga ni waati be, la, ka duw ci, ka mogo ya don bogeo la.

Fen min ye furumuso ka bonya ye ka jesin a ce ma, Modibo Sangare ka fo la, k'an kuntigi Mohamadu, kisi ni neema b'a ma; k'o y'a jira ko ni a tun be daga mogo ya sujudu bin a



Mali silamejekuluw ka ton (HCI) némogow
Mahamudu Diko file cérémonie la

mogo ye, ko muso tun ka kan k'a bin a ce ye.

Taamanaw na, mogo were ko sariya in ye janfa ye. Misira filanan alimami Abu Jafari Mohammedi Jabate ka fo la, tije don depitebulon de be sariyaw tali sementiya. Nka yanni depitew ka son nin sariya suguya ma, u ka kan ka mogo tow hakili la nini folo. N'o ye mogo minnu y'u sugandi ka ke depitew ye. Depitew m'o ke; o y'u kelen ye k'u sigibaaw janfa.

Dirisa Jire fana ye wajulikela ye. O y'a jira ko depitebulon jenni ni du ani mogo ya taabolo kura sariya ye, k'o be jamanakuntigi ka baara ke sanjikorowosi ye. Ale min hamie ye ben ani lafiya donni ye Mali kono.

Mogo were y'a jira taamanaw na, ko du ani mogo ya taabolo sariya kura ko musomannin furu te siri kasoro a ma san 18 dafa. Sungurunnin dow dun be kono ta u san 15; a dow yere be den soro kasoro u te san 15 bo.

Diiinemogow were ka fo la, sariya kura in bena ke sababu ye ka silamefurusiri diya mogo ye kosebe halibi, ka teme merilafurusiri kan.

Silamejekuluw ka tonba in mogo la, nemogo do y'a jira ko silamew ka wulikajow tenu dabila ni faamaw ma sariya kura talen in bila.

Silamew ka nogonye filalan kera Wenisismiarisi ntolatankene na Yirimajo Bamako sibiridon utikalo tile 22 san 2009. O benna sunkalo tile folo ma Mali kono.

Kabini sibiri sogoma joona, ntolatankene ye fali damini. Silamew

bora Mali marayoro bee la ka yen segere. Diinejemogow ni alimami caman nana. Alimami minnu ma se ka na, olu y'u ka cidenw bila ka na. Bamako dugutigilakaw fana ka cidenw ma to ko silamew ka nin nisongoyajirakene kan.

Ntolatankene sigiyorow sebekoro fara silamecew ni silamemusow la. Nin don in fana na, a sebennen tun be fini jemanw kan k' "an ma son faamaw ka nin ducisariya in ma".

Alikuranekalanba kera a senfe, min b'a to sitane b'a mabo Maliden na. Mali silamejekuluw ka ton (HCI) ye laseli ke kene in kan; A y'a jira ko tuma min na Muso, Den ani Denbaya Minisiriso be jamana marayorow la, ka sariya kura nefsoliw ke, k'olu y'a nini u ka laada numanw ani silamediine taabolo gasi ka sigi a la. U ko faamaw y'u tulo k'o menbali ye. Ko depitew fana jenna ni du ani mogo ya taabolo sariya kura in ye ten, o cogo la.

Mali alimamiw n'a dönnibaa minnu ka ton jesinnen be kelenya ni nögondeme sinsinni ma, olu y'a jira k'u te jen n'a ye jamanakuntigi ka sariya kura in waleyali yamaruya di. Mali silamejekuluw ka ton nemogoba min ye Mahamudu Diko ye, o ye Ala deli ben ani lafiya donni na Mali kono. A y'a nini bee fe, ce ani muso, bee k'a seko ke o naniya in sabatili la. Mahamudu Diko labanna ka foli ni tanuni lase silamew ma, minnu bora Mali marayoro tow la ka na fara Bamako taw kan k'u naniyaw ke kelen ye ben ani nögondeme hukumu kono.

Mali silamemusow ka ton nemogoba ye Safiyatu Danbelé ye. Ale y'a jira ko Alikuran be muso ka ketaw dantige, min b'a to a be lafiya soro dije na yan, ani ka ke sababu ye k'a ka alijinekönödon nögoya. Salifu Tarawele ye Mali surakaw ka ton nemogo ye. Ale y'a nini Mali faamaw fe, u kana son ka du an mogo ya taabolo kura sariya in waleyali yamaruya di; sabula k'a be benbalya don jamana kono.

Lasina Jara
Solomani Dunbiya
Dokala Yusufu Jara
A to be ne 4nan na

Senekelaw b'u tannifilafili la Ofisi kono

Sene minisiri Agatamu Agi Alasani tun be taama na Segu Ofisiri ni Ofisidinizeri kono. A y'a nini yen yorow senekelaw fe, u k'u timinandiya kosebe. Sabula samiye ma don joona.

Ofisidinizeri kono, senekelaw nison ka di u ka baaraw la; kasoro geleaya b'u kan. Bagaw be nini ka jibolisiraw geren. O geleaya in be ka juguya ka taa a fe san o san. Fura sorolen t'o la folo. Jibolisiriba minnu be bo Puwenta la ka taa N'nonon ani Masina, bagaw fogonnen b'u bee kunna. Nemogo do y'a jira ko folo, ni Marakala barasi tun ye ji bila; foro minnu yoro ka jan barasi la a tun be se olu ma tile 3 kono. N'o ye N'nonon, Molodo, NDebugu, Kolongotomo ani Jabali ye. Nka bi, ji be tile 10 fo tile 15 ke kasoro a ma se o yorow la. Bagaw be jibolisira fa, ka jibali ka boli ka taa forow la. U be jikonefen caman fana faga. Ni dabali teli ma tige bagako la, malosene be

son ka geleaya Ofisidinizeri kono.

Ofisidinizeri nemogoba Seyidu Idirisa Tarawele ka fo la, baga ninnu laboli, o musaka ka ca Ofisidinizeri kelen ma. A baaraw koni be sen na; nk'a fanga ka bon Ofisi ma.

Yanni-sene minisiri n'a nofajama ka don Ofisidinizeri kono, u folola Segu Ofisiri la. U ye Soke malosikolokoloforow, (malosilabugunyorow) laje. Mogo 150 b'o baara in na. Baara ka kan ka ne sira min fe, u b'olu labato. Nka geleaya min b'olu fana kan bi, o ye malosi sanbaliya ye. Tije don u be malosi caman labugun; nka sanbaa t'u la. Malo suguya min ye Ganbiyaka ye, ani «Kawo» olu siw b'u bolo kosebe. A be se toni 19 ani kilo 900 ma. Kasoro Sofara ni Duwanza malosenejorow la malosikodese b'olu la. Soke malosikolokolololaw ka kumalasela Amadu Ba y'a jira k'olu ye u ka malosiw kunnafoi fo fan caman fe.

Hali cakeda min lakodonnen be ni malosifeere ye n'o ye «Comptoir 2000» ye, a k'u y'o fana ladonniya. Sene minisiri y'a jira Soke silakolokololaw la, u ka Sofara ni Duwanza malosenenaw ladonniya, sabula ko malosiko b'olu la.

Malosilabugunnaw fana y'a jira ko baarakeminenko b'u la Ofisiri kono. Jaabili la, Mali ka malosiko cakeda nemogo min ye Dase Buware ye, o ko sefawari miliyon 670 b'olu bolo; ani miliyon 250 were be yen bilankoro la, baarakeminew ninini kama malosilabugunnaw ye. Faso ka malosiko cakeda ka baara dower ye malosiw lamarali ye. Sikolokololaw mana hake min labugun, n'o bee ma san senekelaw fe, a b'o to san k'a lamara.

Agatamu Agi Alasani n'a nofajama bolen Soke, u sera Babugu, ka yen silakolokloforow fana laje. Yen malosilabugunnaw ka koperatifu nemogo Mamadu Tarawele fana y'a jira ko malosiw sanbaliya geleaya b'olu kan. A k'u ka tonden ye mogo 62 ye. Muso 12 b'u la. Olu be malosi min labugun, u b'o kilo 1 san malosikolokolocakeda «IER» fe dorome 262. N'olu y'a labugun, u b'a kilo 1 feere senekelaw ma dorome 47 walima 49. Halisa olu fana kan be k'o wari ka ca u ma. IER nemogo nininkalen malosi songoko la, o y'a jira k'olu ka siko nejinini ka gelen, a musaka fana ka ca. Sabula k'o ye malosi kura dilali ye.

Minisiri y'a nini sene nemogoyaso, IER ani faso ka malosiko cakeda fe, u ka hakilijagabo ke malosiko kan, min b'a to silabugunnaw be se k'a feere songo duman na senekelaw ma.

Agatamu Agi Alasani ye forow ye; u yecogo y'a wasa kosebe. A ko goferenaman ye waleya min ke, n'o ye ka do bo angere songo la senekelaw ye, k'o bena to sen na, walasa senekelaw ka nafa soro u ka baara la. Sabula ko jamanakuntigi Amadu Tumani Ture naniya ye ka Mali ke senefenbasoro jamana ye.

Moriba Kuluba!
Dokala Yusufu Jara

Sirabakankasaara be faantan miliyon ba kemere fila faga san o san

Dine tonba bolofara min ye «OMS» ye, o y'a jira ko san o san, faantan 1.200.000 be to sirabakankasaaraw la. Ko mogo miliyon 20 fo 50 fana, a b'olu hakili nagami.

San 2004 kono, sirabakankasaaraw kololo sengesegeli kera jamana 178 kono. A jirala ko mogo hake min be fatu dije kono san o san, k'o sayaw sababu 9nan ye sirabakankasaara ye. A fanba ye mogow ye, minnu si hake b'a ta san 5 la ka se san 44 ma. N'i ye sirabakankasaara kemesarada, 90 be ke faantanjamanaaw na; kasoro bolifenw kemesarada la, 48 doren y'u ka bolifenw ye. Hali jamana yiriwalenw na, sirabakankasaara ka jugu faantanw de ma. Mogo hake min be to sirabakankasaara la n'o ye 1.200.000 in ye, a kemesarada la, 46 ye sennamogow, negesotigw ani mototigw ye.

San damado in na, sirabakankasaara be ka nogoya jamana yiriwalenw na; sabula o faamaw cesirilen don a ko la.

Ni wulikajo ma ke faantanjamanaaw ka sirabakankasaarako la, yanni san 2030 ce n'a tora nin cogo la, mogo fagata be se 2.400.000 ma dije kono san o san. N'o kera sirabakankasaara be ke mogofaga sababu 5nan ye dije kono. Hali jamana minnu be yen, ni sirabakankasaara ka dogo olu la, i n'a fo Holandi, Angilejamana ani Siyedi, u man kan k'u ka lakana fanga to a cogo la. U be se k'a juru jilaja ka taa a fe. Sabula a jirala ko Siyedi jamana na, sirabakankasaara ka mogo fagata ye 20 ye kemesarada la. A fanba ye denmisewn ye, minnu si hake b'a ta san 5 la ka se san 19 ma. Sababu 5 de kofora sirabakankasaara la. Dolomin, sebekorobaboli, kasiki donbaliya, cesirilan donbaliya ani siraba sariya tow matarafabaliya.

Dokala Yusufu Jara

Jōnfeere labanna Afiriki marali la nansaraw fε

San 1.500 banwaati la, Nansaraw, Lamerikənw ani Larabuw tun be na mogow san Afiriki kono, ka taa u feere Ameriki gun kan. Afiriki jamanajemogow yere fana tun be u farafinjogonw mine ka feere sannikela ninnu ma. A tun be fo nin waleya in ma jonfeere. A tora sen na fo ka se san 1.900 banwaati ma. Jonfeere dadigira Afiriki jama na kosebe san 400 kuntaala kono.

Jonfeere iujon

Jonya tun be Afiriki kono yanni nansaraw b'a damine; nka o jon hak'e tun man ca kosebe. A fanba fana tun ye dukonobaaraw k'ebaawye. Nka nansaraw sendonnen a la, mogo (jon) miliyon caman sanna Afiriki kono ka taa u kofili Ameriki gun kan.

Jonfeere jujonna cogo min na, kogojikanyaalalaw bolen dugukolo kura kan san 1.500 waati la n'o ye Ameriki gun ye. U y'a naniya ka mogo fangabatigiw nini ka taa o dugukolo in labaara ka nafa soro a la.

Uhakilijiginn Afiriki mogowla. Ameriki gun kan nansaraw tun ye damansenw damineyen, ka sanuw ni warijew labo; ka timinkalaforow da, ka kafew ni kooriw sene. U ye mogo minnu soro Ameriki n'o ye Endijew ye, u'yolu kele ka dugukolow mine u la. Ka laban k'olu ke jorw ye ka bila damansenw ni sene na. Endijew fanga tun ka dogo; u tun te soroba ke.

Peresidan ni jamana nemogobaw kumana du sariya kura kam

Mogoya ani du taabolo kura sariya min ye mogow wuli ka jo u sen kan, kerennkerennenya la silamediine mogow, taratadon utikalo tile 25 san 2009, jamana mogoba caman sera jamanakuntigi Amadu Tumani Ture ma Kuluba, k'a kuma njogonya.

Mogo fôlo kéra minisirijemogo Modibo Sidibe ye; Yunusi Ture dara o kan, ale ye depitebulon njemogoba dankan fôlo ye. Yunusi Ture ni depitejekuluw njemogow tun be njogô fe. Jamana kiiritigesoba njemogo Madamu Jalo Kayida Kanentawo ni jamana sariyasunba kiiritigesoba njemogo Amadi Tanba Kamara fôra depitew ko. Jamana marabolow njemogoyaso kuntigi Umaru Agi Mohamedi Ibarahimu ni faso ka nafolo ni hadamadenya ni seko ni dôンko sabatili cakeda njemogoba dankan fôra kiiritigelaw njemogow ko. Kumajogonya ninnu kuncéra ni jamanakuntigi ni jamana fokabenna Madamu MBamu Jara ta ye.

Jamanakuntigi ni mögöba ninnu ka kumajögönya bolila sariya kura in tali kölölo juguw kan mögow fe. Sariya in bennen te mögo minnu ma , olu y'a nini segin ka ke a kan, yoro minnu be dankari an ka laada jumanw ani diine taabolow la, olu ka latilen.

Erøpu dun magò tun be sanu, warije, timinkala, kafe ani koori caman na. O de koson nansaraw y'u nesin Afiriki ma, jønjini na; Bawo Ameriki woroduguyanfan n'a cømancébole dugukolo ni Afiriki sahara woroduguyanfan cogoya ye kelen ye. U ka miii kera ko farafinwbe se ka dugukolo in labaara kosebe nafaba ka soro a la.

Se be mögo minnu ye Nansarala, n'o ye batonbatigiy ye, olu tun bena jönjnini na Afiriki kono, ka taa u bila babugubaara la Ameriki. Utun be jön caman fana feere forotigi wérëw ma yen. Nansarala jamanajemögow tun ma son jönfeere ma. NKa nafa min tun be sorojónw kofasa la Ameriki ka nesin u ka jamananw ma, u ta labanna ka juguya setigi kelen-kelenninw ta ye jönfeere la. U ye dabali kologelenw tige jön caman celi kama ka Ameriki sëgëre. U ye jönsanyoro ani jönlamarayoro caman jo Afiriki lamini kogojidaw la. O yoro ninnu dów tógo file : Ariguwen, Gore, Lezili delosi, La mini, Uwida, Férinando Po, Sawo Tome, Lowanda, Zanzibari,... olu de tógo tun bolein be kosebe. Nansarajamanaw yere ye nin dagayoro ninnu kojew jenabou ni jögon ce. Jönsannaw tun mana mögo minnu soro, u bena olu lamara yen. Afiriki jamanajemögow yere tun be mögo kologelenw mine ka n'u feere jönsannaw ma u dagayorow la. Jöncebatonw bena jönw ce yen ka Ameriki magen.

Jonfeere bolodacogca

Kenësumankalan na, taamasiyen min
be wele keresabama, jönfeere fana tun
y'ongonna ye. Nansarawbenä jagofenw
falen jönw na Afiriki kono. Ka jön ninnu ce
batonbaw la ka taa u bila babugubaara
la Ameriki gun kan. K'o söröfenw donni
ka ladon Eropu, n'o ye Nansarala ye. U
tun be na sanu, baganwolow, samagelw
ani fen suguya caman werew falen jönw
na. N'utaara ufeere forotigew ma Ameriki,
u be sukarow, kooriw, kafew, ani fen
werew san ka taa n'olu ye u ka jamanaw
na. Nansaraw mago tun be nin fen ninnu
na kosëbe. Esipajoliw ni Pörotigew kera
jönfeere daminebaaw ye san 1.600 waati
la. U tun be k'u kanga Nansarajamana
tow ni Afiriki lasoroli ce a ko la. Nka san
1.700 waati la, Angilejamana, Faransi
ani Porowensi lni, oluy'ukeléka wajibidon
Afiriki kono k'u sendon jönfeere la. O
kelen, kabini Esipajoliw ni Pörotigew y'a
döñ k'u fanga têna se ka sira datugu
jamana werew ne bilen. U ye jönfeere
yamaruyasëben dödilan san 1.800 waati
la. min be wele «Lasiyento». U tun b'o
feere jönfeerejinibaaw ma. Lasiyento dö
b'u yerebolo.

Faransi ye jönlamarayorow laben Kapuveri; Senegaliani Afirikikoronyanfan kogojida la. Okera san 1.664, uka masake Koliberi tile la. Jönlamarayoro wërew tun be Faransi bolo; nka fôlen ninnu de tun lakodonnen be kosebe. Angilejamana masake n'a femogow dörontun ye jönfere kebaaw ye san 1.661 ni 1.697 furancew la. O kofe, masaso ye sira labila jamanaden to bëe ye, u ka t'u ta jini jönfere la Afiriki kono. K'a damine Senegali la ka taa a bila Kapu Lopezi la, Nansarala jamana damado tun be k'u fanga fara nögön kan k'o yoro in mamine, jamana wëre kana se yen. Nka k'a damine Kapu Lopezi la ka se fo Kongo Kinisasa baji ma, o tun labilalen be mögo bëe ye, ka don Afiriki kono jonnini na. K'a ta Kongo Kinisasa baji fana na ka teme Angola fe fo Bengela, Porotigew fana tun be k'o yorow mamine u yere ye. U ka jönlamaraw tun ye Kotidori, Le ruwayomu de zuda, Le Benen, La koti de Lowango ani Angola.

Kenkenkokiyo be se ka densorobaliya lase mogow ma

Kenkenkokiyo ye bana ye, min be bo mogow kankorola la. A ni foolo te kelen ye. A jatelen te bana jugubaw fe, kasoro n'a ye mogokoroba walima denmissenni daw min, a be se ka finge bila o ka mogoya la.

Dogotoro Njai Mayimuna Jawara ye denbanafurakela ye Gabiriyeli Ture dogotoroba la Bamako. A y'a jira ko kenkenkokiyo ka mogow min be se a sidonni ma, o b'a soro a ye dogokun 3 soro a tigi la. Bana in taamasiyen y'e farigan, kunkolodimi, a tigi te dumuni caman dun tuguni, a tulow fana b'a dimi. Hali ni kenkenkokiyo k'a be dumuni ke, o nimito te digi a la. Mali kono, kenkenkokiyo be mogow

mine kosebe zuwenkalo ni desanburukalo furancew de la. O ye neema waatiw ye. Bana min don, a yelemani ka telin mogow fe. Gerejognawa sem, daji misennin minnu be seri-seri kenkenkokiyo fe, o b'a ka bana lase mogow were ma. Jateminew y'a jira, ko kenkenkokiyo be mogow min se siye kelon doron a si kono. Kenkenkokiyo be bo mogow la a denmisennin fitininnama; nka a be denmisenn san 15 fo 18 fana mine, fo ka taa se mogokoroba ma. A kololo be se ka juguya a ka mogow mineta daw kan. Madamu Njai Mayimuna Jawara ka fo la, kenkenkokiyo mana musomannin min be ka musoya dafalen, walima ka cemannin min a



Dogotoro Njai Mayimuna Jawara

balikuyalen, a be se k'a bali ka den soro a si bee lajelen kono. Kenkenkokiyo funteni be musomannin fango balabala, ka cemannin fana kokiliw balabala, u tu ka baaraw ke tuguni. O bana ni mogow ka densorobaliya ye. Kenkenkokiyo be bana daw lawuli mogow la; n'o ye kanfasajabana, kunkolodimi, tuloger. A mana musokonoma daw min, a bolu kono tige. Fura jonjon te bana in na folo; sabula a banakis te fenjenama ye fari la. Fura minnu be mogow fari sumá, dogotorow de b'olu di kenkenkokiyo ma. Madamu Njai Mayimuna Jawara b'a jini mogow fe, u kana asipirini di banabaataw ma, minnu ka bana sababu te fenjenama ye. Jiridenjiw fana man kan ka di u ma. Dumuni were minnu kunun ka di olu de ka kan ka di u ma, Kenkenkokiyo ka kan ni lafiya ye a ka bana konona na.

Boloci be kenkenkokiyo la. Nka ale bolocifura nagaminen te bolocifura tow la. N'o ye foroba boloci minnu be ke jamana kono, o furaw. Kenkenkokiyo bolocifura be feere furafeereyero la. Ale bolocifura ni nonin ta de be soro nojgon fe. A be wele «ROR». A folo ka kan ka ke den na a si kalo 15. A filanan be ke n'a ye san 3 soro fo ka se san 6 ma.

**Berema Dunbiya
Dokala Yusufu Jara**

Muso daw be se jigin ye, kasoro u t'a don u konoma don

Muso daw be gerejige soro, nk'u te da a la abada k'u konoma don. Sabula u te konomaya taamasiyen fosi kolosi u yere la. Nin waleya in be kolosi sungurunninkunda ani muso misenninkunda; nka dogotoroba daman dalen te kuma in na. Olu k'a fo la, muso ka gerejige soro kasoro u yere t'a don ko kono b'a la, o ka dogo Mali kono sisan, k'a sababu ke «eko» keli y'e; n'o ye arajo ye. Dogotoro Hamaduni Garaba Sise y'a jira ko muso minnu te fen don musoya kow la, minnu ka laada kuntaalaw te kelen ye ani minnu ka laada be bala ka tige ka laban ka na, k'olu de ka telin ka konobara soro kasoro u ma sigi n'a ye. Hamaduni Garaba Sise ka dogotoroso be wele nansarakan na «clinique lac télé». Ale ka kolosili la, muso minnu be gerejige soro kasoro u ma sigi n'a ye, kemesarada la o ye 2 walima 5 ye.

Ni bana suguya daw be muso la, o be se ka ke a te konomaya don a fari la. Kerenkerennya la kuru be muso minnu kono. Muso minnu fana tun ma sigi ni gerejigeko ye, olu te jo a la abada k'u konoma don; hali ni konobara taamasiyen b'u fari la.

Sungurunniw ni musomisennin minnu te bangekolosfuraw tacogo matarafa, konobarako de be bala olu la kosebe. Dogotoro Hamaduni Garaba Sise y'a jira ko basibon be muso daw soro kasoro u konoma don. A be k'olu jena k'o ye laada nanen ye. U caman te da a la k'u konoma don.

Hali jamana yiriwalenw na ni dogotoroko ni baarakemineko be ka laboli ke yen, muso daw be gerejige soro ka meen ka kasoro u t'a don ko kono b'u la. Muso daw yere y'a sementiya k'olu y'a don u konoma don dogokun kelen yann'u jiginni ce. Daw yere k'u ta ma dogokun bo. Taamasiyen minnu be konomaya jira, olu ma k'u la. A fanba ye muso cemance janw ye, minnu konobara te bonya.

**Berema Dunbiya
Dokala Yusufu Jara**

Timisa komini yiriwalibaa raw bolodara

Timisa komini nemogow y'u ka laadalatonsigi folo ke ntenendon zuluyekalo tile 6 san 2009. A kera meri la. Konseye 23 bëe yera a kene kan. Meri ye Waminan Danbelé ye; a dankan folo ye Burema Sogo ye; a dankan filanan ye Musa Garango ye; a dankan sabanan ye Isa Arama ye.

Mogo caman tun be tonsigi in kene kan. Goferenaman ka cakedaw nemogow, duguw musojemogow, denmisewu nemogow, lakolidensomogotonw nemogow ani diinejemogow. Ne Amadu Sogo fana tun be kene kan. Sabula ne kera konseye ye meri la ninan. Konseye kominali kura ye baara minnu boloda ka nesin komini netaa ma, tonsigi kun tun y'o dajirali ye komini mogobaw la.

Waminan Danbelé y'a jini kominidenf fe, bëe k'a seko ke komini netaa la. Mogo ka politikiko da kerefe folo k'u nesin nafasorobaaraw yiriwali ma komini kono. Konseyekominali ye politikiton 7 mogo ye, wote temenen kofe, an bëe sago ye komini sankontali ye Mali komini tow sanfe.

Baaraketaw tilala kulu saba ye,

konseyew fana tilala kulu saba ye. Ka meri dankan kelen sigi a kelenna kunna. Sisan baarakuluw kalifara konseyekuluw la.

Baarakulu folo ye komini ka warisorsiraw, kalankow ani kenejakow. O kalifara konseye minnu na, olu nemogoye meri dankan folo ye.

Baarakulu filanan ye wolosebenko, gatigisbenko, furusebenko ka fara sayasbenko kan, olu be konseye minnu bolo, u nemogoye meri dankan filanan ye.

Baarakulu sabanan ye dugukolokow, baganw furakelikow ani kungo lakananiko. O kalifara konseye minnu ma, olu nemogoye meri dankan sabanan ye.

O temenen kofe meri labanna ka mogoba welelen ninnu tila kulu saba ye. Ka kulu kelen-kelen fara konseyew ka baarakuluw kan, walasa lajiniw ka sabati.

Timisa komini mogo, so ye, a boliken fana ye.

Amadu Sogo ka bo Teredugu, Timisa komini na Tomijan Segu mara la

Angereko tolen be julaw doron bolo Kati mara la

Samiye cogoya ka ni folo Jifali. Nka n'b'a jini cikelaw fe, minnu be danni na halisa, u k'a don ko samiyé jamanna dɔɔnin. U ka forow bo bin na; o de nafa ka bon kosebe. O temenen kofe, sunkalo sera; Ala ka ninan sun tiimeko numan di silame bëe ma. Jagokelaw fana kana nata ka do fara u ka feerefénw songokan. An be don min na, no songotun be dorome 35 la, o sera 38 na kaban. Faamaw y'a jira ko angere bore kelen kana teme dorome 2.500 kan. O selen be 3.000 la julaw bolo. Nogo yere te soro cikelakolidenw bolo tuguni. Nogoko fora Arajo la cogo min na, a te ka waleya o cogo la jamana fan bëe fe. Kati mara la angereko be julaw doron de bolo. Ni faamaw m'a laje ka dabali tige o ko la joona, degun bonyalen be senekelaw ma. Samiyéni tilema bëe la, nogokomago te ban Kati mara mogow la. Sabula senekofe, u be nakoba raw ke. Neka folibe Jifali musow, Buguba musow ani Torodo musow ye. Unice u ka cesiri la.

**Seku Umaru Konare ka bo Jifali,
Jedugu Torodo komini na Kati**

Nemogoyelema ka ke a tuma na

Nemogoyelema kura sigira Mali sennantolatan kunna; o ben'a to an ka sannayelen soro san 2010 Kani an'a Kupudimoni kenev kan wa?

Ne bolo nemogokurasigi tun ka kan ka ke Kani 2010 kofe. Bawo finge minnu be ntolatan na, a tun b'a to olu ka latilen folo, kasoro k'a ka feerew tige ka bila a noggonna were labenni na. An ka nsana do b'a fo ko ni wara y'i gen ka yelen jiri min kan, i be to o sanfe folo yanni wara ka taa. N'o te n'i jiginna k'i be jiri were magen, o ye farati ye.

Nemogoyelema ka ni; nka a ka ke a tuma na. Ne be min fo Malidenw ye, u k'u bolo da u dusu la. Mali ntolatan ye musokoronindon ye; ni don ma bila, mogo si man kan k'a ka musokoronin tanu. An ka dugawu ke Hamaduni Kola Sise ye. Ala ka kunkorota di a ma Mali ntolatanko la.

Yaya Mariko ka bo Senu Bamako

Nogo songo te kelen ye jamana fan bëe fe

N be foli ke ka nesin jamana nemogow ma sabula ninan nogo songo jiginna dɔɔnin ka teme salon ta kan.

N'i ye jatemine ke, i b'a ye ko ninan nogo finman ni nogo jeman bëe bore kelen songo ye sefawari dorome 2.683 ye.

N ka ne b'a fe ka nininkali damado ke; ne ko, jekulu min be wele sepese, o be nogo di songo min na, o ni jamana b'a di min na, olu songow ye kelen ye wa?

Ni mogo min te sepese jekulu la, o be nogo soro joli la? Ka da a kan, nogo songo te kelen ye jamana fan bëe fe.

Kolosili la, i b'a ye ko fen ma bo bagajiw de songo la; bawo bagaji min be bin faga kooriforo la, o litiri kelen ye dorome 2.400 ye.

Bagaji min be ke ka koori fiye, o litiri kelen ye dorome 900 ye. Koori taari kelen be ben o litiri 4 de ma.

Taari kelen nogo be ben bore saba ma; o b'a jira ko koori taari kelen musaka be ben sefawari dorome 14.000 ma.

Ni koori kilo kelen songo kera dorome 33 ye, koorisene nafa bëna ke mun ye?

Halibi jamana nemogow k'a laje ka do fara koori kilo songo kan; walima ka do bo senekeminew songow la. N'o te a segen ka bon a nafa ma.

N ka foli be Burama Jala ye ka bo Cen, Jumazana komini na Fana.

Alu Kone ka bo Zoni Endisiriyeli la Bamako.


Koɔrisenɛ n'a kɔlɔlɔ jugu bɛ nɔgɔn fɛ

Koɔrisenewari mana mogo min layelen kulu jan sanfe, a laban b'o tufa ka bin kɔlon kɔno.

Ne ka jate la, kabini Aweko donna koɔrisenɛ na, gelya juguyara wulakɔnɔduguw la. Senekele kelen ka senekelemisi ni wotoro songo juru ta n'o sarali ma teliya, a ka misiw ni wotoro bɛ mine a la, k'u feere k'a ka juru sara. O ye dɔ faralen y'a ka gelya kan. Awew kelen bɛ sababu ye, ka bənbaliya don dugu caman kɔno. Ni koɔrijuru te mogo min na, o ka wari man kan ka balan fo jurumantigw ka tila sarali la. Tonko ye tijɛ ye, nka bɛe bɛ baara k'a yɛre ye. Dugumogow jelen te tonforoba kelen na.

O temenen kofe, waleya fila b'an ka sigidaw la, olu kelen bɛ kɔnɔnafiliko ye mogokɔrbaw bolo. Duguw ka laadalako kɔro caman bilala silamediine ni keretijnediine koson. Teminwaati fana bora baarakewaati la. Kotuba dugu kɔno, laadalakow tun ka ca. Bilakorow taw tun bɛ yen, sungurunniw taw tun bɛ yen. Jalaba dɔ be Kotuba ni kɔron ce, musow-tun bɛ tilesabajenaje k'o sonni na san o san.

Kabakuruba do fana turulen bɛ dugu ni kɔron ce, o fana tun bɛ son dugudenw fɛ san o san. A togo ye «Benbasonkaba». Benbasonkaba tun bɛ son san kalo



Faraban Balo

7nan kono jumadon dɔ fɛ. O sɔndon, sanjiba tun bɛ na. Mogokɔrbaw tun bɛ kɔmoko fana ke kɔtuba. Nin bɛe dabila la an bɛ don min na.

Te kelen bɛ negela juguba ye Mali kɔno bi. Hali n'i ye misi faga i ka kunko la wulakɔnɔduguw la bi, n'i ma te wuli ka di mogo ma u b'i lagosi k'i ma fosi ke nin ye. Denkundi te diya, sangabonda fana te diya ni te ma wuli. Ce fara muso kan bɛe de bɛ girin te nɔfɛ jama nɔgɔnkunbenyɔrɔw la.

An bɛ don min na hali tedaa bɛ sigi forow kɔno. Sene be da kerefe, ka te wuli k'o min ka ban folo. N'o ma ke baara kalama te ke foro la. Denmisɛnɛ be laban ka si u nɛna tewuliw la dugu kɔno ani dugusenw fɛ. Dugu mana je u be dɛse baara la.

Mogokɔrbaw negela tun ye siramugu ni woro ye folo. Bi, te kelen bɛ bɛe jarabi ye. Denmisɛnya ni mogokɔrbaya t'a la. U bɛe bɛ tilekataama ni siŋɛnaw ke te nɔfɛ.

Faraban Balo ka bɔ Fuladugu, Kita mara la

Samiyenajuru sɔrɔli man nɔgɔ Kafo Jiginew na

Juru sɔrɔli man nɔgɔ senekelaw bolo Kafo Jiginew na tuguni. Kasɔrɔ kafo jiginew nana kafow kɔno, walasa senekelaw jurusɔrɔyɔrɔ ka surunya u la. U ye warilamarayɔrɔ fana lasurunya sigidalamogow la.

Taakasegin filo kɔno mogo tun b'a ka juru nininen sɔrɔ. Nk'an bɛ don min na, senekele bɛ kalo kelen ni kɔ ke taakasegin na kasɔrɔ a tegɛ ma da a ka wari nininen kan.

Juruko mana to nin cogo la, senekele ka baara bolodalen caman na bɔ a dɔgɔ kɔro.

Samiyenajuru sɔrɔli man kan ka sumaya. A bɛ ke sababu ye ka juru nafa ban. Juru dun nafa bannen ko mana k'a sɔrɔli ye, a labaarali bɛ gelya. Tonko be da

juru min kan k'a lasegin, o ka kan ka sɔrɔ jurutala nɛnatuma na. Juru takun ka ca senekelaw fɛ. Misali la mogo min ka senekelemisi sara samiyedondonfɛ, o ka kan ka misi wɛre songo juru sɔrɔ teliya la walasa samiyedaminebaaraw kana teme a kan. N'a fɔra a ka kalo kelen walima kalo filo ke taakasegin na sigida waribon n'a ka dugu ce, o ye gelya ye. Sene nɛnama tɛna ke ni misi ye; o laban bɛ feere k'o juru kelen sara tuguni. A dɔw'a juru n'a tɔnɔ te sɔrɔ misi divagoya feereli la. Ne b'a nini Kafo Jiginew nɛmogow fɛ, u k'u jilaja senekelaw k'u ka juruw sɔrɔ a tuma na. N'o kera juru b'a nɛnikun ne.

Daramani Sise ka bɔ Nɔgɔlaso, Sanzana komini na Kinan Sikasso

Kalankene N° 85nan : Demokarasiko (1)

Demokarasi ye fanga bolicogo de min be sanga la bi, dijé kono, min jatelen don bi fanga bolicogow la numanw fe, ka da a nafa kan seko ni dønko, dønniya, hadamadenyasiraw ani soro yiriwalisiraw jiidili la. Demokarasi ka sanga in te sanga lankolon ye. Se min b'a bolo bi dijé kono, se lankolon te. Fine lankolon te min be na ka teme ten. A cookolen don, a diliw sarannen don. An be se ka fo, k'a farala wulibaliw kan fanga bolicogo numan siratige la bi dijé kono. O de koson, a ka kan k'a døn, k'a faamuya tigetigi, ka se à waleyacogo an'a labencogo numan na. Nka ni jamanaden kelen-kelen m'a nini ka demokarasi faamuya, k'a nini ka baara ke n'a ye, k'a nini k'a filiw n'a fine latilen, a laban be ke gelyea ye, an te se k'an yere bo min kono. An kan be cikelaw ma, baganmaralaw, monnikelaw, finitigw, diine nemogow, jagokelaw, kenyereyew, tubabubaarakelaw, ce ni muso, denmisén ni maakoro, kalannen ni

kalanbal, bëe lajelen ko don.

Demokarasi yere koro ye mun ye?

Demokarasi te bëe fanga ye; bawo bëe lajelen te se ka je fanga la, fanga te ofen ye. Jemufanga fana te; bawo fanga ye gerente de ye. Demokarasi ye demokarasi de ye doron, dower te n'ote. Demokarasi ye tubabukan ye, nka dañe don min buruju bora gerékikan na. Farawuna ka fanga kofe Eziputijamana kan, farajew ka fanga folo min ye barika soro kosebe, o kera Gerekwi ka fanga ye. Gerekwi ka fanga labanna ni Masa Zulukaranayini ka fanga ye. Ofatura san 323 sanni Nabila Isa ka bange. Demokarasi yekumadenfila ye gerékikan na.

Foloye "Demosi" ye, o koro bamanakan na "Fasojama", tubabukan na, a koro ye "le Peuple". Kumaden filan "Karsi" koro ye "Fanga" bamanakan na, tubabukan na, a koro "le Pouvoir". Ni ye kumaden fila ninnu koro fara nogon kan i be min soro o de ye demokarasi koro ye: *Fasojama ka fanga*. Dugu barikama fila

tun be Gerekwi fe yen ka kon Nabila Isa bangeli ne : ATENI ani SIPARITI. Demokarasi foli n'a waleyali daminen dugu folo min na o ye ATENI ye.

Nka olu fe yen, jow ni dunanw tun sen te demokarasiko la; dugulenw dama tun ka ko labennen don. ATENI yiriwalen kosebe, dunanw ni jow ani jow kahoronyalenw nana caya ka teme dugulenw kan, k'u fanga bonya ka teme dugulenw kan. O keleri minke, demokarasi binna, masaya nana tuguni walasa ka jow ni dunanw bali ka fanga soro. Ni faama ko ku, n'i ko bananku, i be taa i ta nimi fan were fe.

Alimankelé filan bannen, demokarasiko daminen tuguni; bawo diyagoyafanga, mogokelenfanga ani dantemewalefanga tun ye tjeni ke dijé kono fo k'a damatem. Nka o la demokarasi kera fila ye. Tilebinyanfanjamanaw ka demokarasi ani koronyanfanjamanaw ka demokarasi.

An be don min na i ko bi, Tilebinyanfanjamanaw ka demokaraside ye fanga soro kosebe nafoloko, yiriwaliko, kalanko, iziniko, mansinmafendilankola, ani dijelatige yere latemecogo numanw na. Koronyanfanjamanaw ka demokarasi n'o ye Kominismu ye, o fanga dogoyara kosebe.

Mahamadu Konta

Dukene N° 61nan : Du kura soro suguyaw (2)

Du kura soro suguya ye fila ye, any'ofa ka teme mekalokibaru kono, boko 448 -nan, a ne 9 -nan na. O fila ye : soro bolodalenw ani soro bolodabaliw. Nk'an kumana soro bolodalen doron de kan. An y'a jira fana koklosara, nafa jolen, aniton bolodalen, olu bëe be jate soro bolodalenw fe, bawo u makonien don, u ka kan ka soro fana.

An k'a døn ko kalosara te nafa jolen ye. Nafa jolen ye baara de ye i be se ka min bolofara caya ka tono bolodalen soro. Nka ni jamana na, ni mogow sara ka ca fo u be se ka sarawari do lamara waribonw na walasa a ka bugun ka taa a fe, o la a be se ka jate nafa jolen ye. O nafolo bilalen in banki la, o be baara ke a yere ma ka taa, don o don do be fara a kan. Don min na n'i taara wari maralen in tonow ta, o ye tono bolodalen y'i bolo. Nin cogo in de la kalosara be se ka ke nafa jolen ye. Nin kibaru in kono, an bëna kuma soro bolodabaliw kan.

2 - Soro bolodabaliw : olu ye soro ye minnu be bala mogo la nka u be wo caman geren. Olu soro li be garijegé bolo. Fen minnu be jate soro bolodabaliw ye du kura kono olu dòw ye : ciyenw ye, ninaw, sobonwariw, ladiyalifew, baara misennin dòw keli, nogondan suguya dòw keli, cakedaw la, baarajigin kofe, i be waati minnu baara olu sara, anidowerew.

Tjé don garijegé be Ala bolo nk'a be nini fana. Misali la, ni mogo min ye bololabaara suguya caman kalan, a ka ca a la o te dese a dahirimé na. I ka hadamadenya kono, mogo be se ka feerew tige k'i ka garijegé bolofara caya, bawo a dòw la ni Ala y'i deme, i b'i ta ye.

Mogo be diine min na, i ladámunca cogo min na, i ye kalan suguya min ke an'i be mogo suguya minnu cela, i ka soro bolodabaliw hake n'u nafa be tali ke o koje ninnu na. Misali la, mogo min be diine matarafa a nema, o te son ka sobon ke a ci ye.

Mahamadu Konta

Poyi : Fiyenbana


Fiyenbana ye bana juguba ye.
Ne siranna fiyenbana ne.

A be mogo ne minne a la,
Ka yoro bëe be dibi y'a bolo.
Fiyento sago t'a yere la.
Mahumako.

Fiyen be mogo ke sarakadelila ye.
Fiyentoya ye ko jugu ye;
Fiyen feerewbo n'a ka dumuniko,
Nin bëe sirilen a mogo nogo na.
Fiyen te koren ni tilebin døn,
Worodugu ni kejeka kerrebete.
Bana de ye jugu ye.
Jow bëe n'a dakan.

Isa Jalo ka bo Kodugu,
Dugabugu komini na Kati

«Embalmali bε børeñumanw dila»




Goferenaman ye nɔgɔya min kε walasa kenyereyew ka se k'u ka cakedaw dayεlε jamana kɔnɔ yiriwali siratigε la, o kera sababu ye jekulu min bε wele nansarakan na «Groupe IPS» (Industriel Promotion Services, Afrique de l'Ouest) ka cakeda dayεlε min bε wele nansarakan na «Embalmali».

Sefawari fanga jiginni min kera, o y'a to Mali k'a nesin sene ani baganmara ma kosebe. Suman bε sorɔ, koɔri sorɔta fana cayara; kuma te bagan ni jɛgɛ ma. Olu keminenko kera gεleya ye. «Embalmali» de ye fura sorɔ o gεleya la.

«Embalmali» san 10 ye ninan ye. A baarakεlaw timinan ka di kosebe. U bε børew dila, minnu b'a to mogow ka se k'u balofεnw lamara ka ne, kabini u donwaati fo k'u dun ka ban.

Segu jumamisiriba kurunbonkarila



Nin kera donba ye Segukaw bolo. Jumadon zuluyekalo tile 24 san 2009, Segu misiriba kurunbonkarila jamanakuntigi Amadu Tumani Ture fe. A kera Bufufiyé la. O ye Segu kin körbaw do ye, dugu körönyanfan fe.

Misiri in fiye ye meterekare 2.300 ye. A joli musaka benna sefawari miliyari 1 ani miliyion 600 ma. Libi ye musaka in di Djin silamew ka lajiniw ton ma Segu misiriba joli kama. O ton in sekeretere zenerali tun b'a

kurunbonkarili kene kan; n'o y e Məhamədi Ahamedı Serifu ye. So caman be Segu misiriba dukene na, lajekeso, kalalikeyoro, gafelamarayoro, sebennikemansinw be so do kono, kalanso, ani bitikiw. Alimani siyoro fana jora a du kene na. Kurandimansinba kelen be yen gəninkomagow kama.

Segukaw hamı tun ye jumamisiri kura do joli ye; sabula körölen tun dögoyara jama na. San 2005 zuwenkalo tile 3, jamanakuntigi Amadu

Tumani Ture tun be taama na Segu. Jumaseliyoro la, Segu silamew y'u ka jumamisirikurako fo a ye.

Jamanakuntigi kelen ka layidu ta u ye, o ma mœen a ye taama do ke Libi. A fana ye Segu jumamisirikokuma in fo. Libi jamanakuntigi Mohamari Kadafi ye. Djin silametton min be Libi ka nesin silamew ka lajiniw sabatili ma, Segu jumamisiriko koje dira o ma.

Ben tün kera misiri suguya min joli kan, o musaka tun ye sefawari miliyion 600 ye. Jamanakuntigi Amadu Tumani Ture ni Libi jamana kuntigi Mohamari Kadafi taato san 2006 Mawuludu la Tumutu, u jora Segu ka jumamisiri kura joli tufaden föl da. Nka baara ma se ka sira soro joona. O yere kera here ye Segukaw ma; sabula a jirala ko misiri dörön təna jo bilen. Ko lajekeso, kalalikeyoro, gafelamarayoro, sebennikemansinw ka so, kalanso ani bitikiw ni alimami ka denbaya dagayoro be jo ka fara misiri kan. O de koson misiri joli musaka yelenna. Miliyari 1 farala miliyion 600 kan.

Jamanakuntigi Amadu Tumani Ture y'a baaraw damineni dabajé föl ke san 2007 feburuyekalo tile 2 la.

**Madiba Keyita
Dokala Yusufu Jara**

Alizeri, furusebenntanya degun be muso caman kan

Fatuma Zohura Benbarakemu ye soronadonnamuso ye Alizeri jamana na. A y'a jira ko don o don, lajinisebenw be lase kiirisow la. A dow ye furusiri lajinisebenw ye; dow fana ye den faya lajinisebenw ye. Furubaliya be muso n'a denw bali u ka hakew sɔrɔli la Alizeri. Fatuma Zohura Benbarakemu ka fo la, silamefurisiri be ka caya kosebe Alizeri sisan ka teme merilafurusiri kan. A fanba kebaa ye mögöw ye, minnu be baaraw la Eropu. Furumuso b'u bolo yen, nk'u be muso filananw ta u ka jamana na. U koni te son ka furuseben dilan u la. Faransijamana furu sariya la, ce te

muso fila furu. Silameya dun be musocamanfur daga. O de koson Alizeri silame minnu be Eropu, u b'u dogo ka muso wrew furusiri silameya sira kan, furuseben te dilan u la. U mana bɔ Faransi ka na lafiñebɔ waati lateme Alizeri, o muso ninnu be k'u furumuso ye o tumanin na. San 2007 la, minisiriso min nesinnen be silameyakow nənaboli ma, o ye sariya ta, k'a jira ko mogo si kana silamefurisiri ke ka kon merilafurusiri ne. Nk'o sariya in te ka labato. Buwabudela Gamala min ye silameyakow nənaboli minisiri ye, o y'a jira ko sariya talen in de be muso lakana Alizeri, a ka se k'a ka hakew

soro. Ce caman ye silamefurisiri ke ka denw soro, ka laban ka taa ka denbaya to kənənafili la. Furuseben te ba la, lafasacogo te a n'a denw na Alizeri sariya fe. Furuko mana to nin dabolo jugu kan, a be fo ko silameya ma furumuso lakanani nesigi. Silameya la, a be fo dörön ko ni muso jenña ni ce ka furu ye, k'a furu be se ka siri ni fatiha kalanni dörön ye. Walasa furumuso ka se ka lakana kosebe, alimami min bëna furu siri, a ka kan k'a wajibya, ce ka merilafurusirisben jira föl. Silamefurisiri be k'o cogo de la sisan Alizeri; nka alimami caman t'a labato.

**Malika Beligasemu
Dokala Yusufu Jara**

Farikolonenaje kibaruyaw

1 - Handiboli kupudimali : arabadon, utikalo tile 12 san 2009, Mali tøgølakupu handiboli la, o kera Bamako yan Modibo Keyita tøgølarikolojenakéyoro nena jekesoba kono. A nemogoya tun be jamanakuntigi Amadu Tumani Turebolo. Farikolojenaje Minisiri, ani handiboli peresidan, ka fara mogoba caman kan, olu bëe tun b'a kene kan. Handiboli la Mali kono, Komini 2-nan ani Finitigw ka farikolojenajeton fila de be ten kan n'o ye "USFAS" ye. Musow ka nogonkunben na, Finitigw sera komini 2nan musow la ni kuru 16 ni 15 ye. Cew ta la, Komini 2nan sera Finitigw cemanw na ni kuru 23 ni 21 ye. O tuma na, an be se k'a fo ko garijew tilala ka ne : musoyanfan, USFAS ye handiboli kupudimali ta, ceyanfan, Komini 2nan y'a ta.

2 - Teriyantolatan : O arabadon kelen in na, utikalo tile 12, Mali ni Burukina Faso ye nogon soro teriyantolatan na Faransijamana kan walasa ka kupudafiriki ni kupudimondi ntolatanw laben. O kera 3 ni 0 ye Mali kanu na. Madu Jalo ye Mali ka kuru 2 don, sanga 20nan, ani sanga 35nan na. Modibo Mayiga ye kuru sabanan don sanga 70nan na. Burukinakaw ye penaliti kelen soro ntolatan laban na, Sumayila Jakite y'o mine.

Misiw ka konojine sababu ka ca

Konobila te ke ka caya. Nka n'a kera, a sababu ka kan ka nini, ka fu siri a dan na. Konobila walima konojine, a be wele fana konobuuru. Bana be den faga, walima ka fine bila tonso la, o be ke sababu ye ka saya lase den ma. N'o kera den su be wajibi bange.

Tuma dow la, farilabana were be se ka ha ni konojine ye, min te denso yere la. Konojine caman na, tonso be bo joona.

Baganw ka konojine sababu ka ca. Kerenkerennenya la, misiw ta. O be se ka ke nogontu walima binko jugu senfe. Dumuni bagamaw be misiden pösöni k'a faga a ba kono. Misi kono mana tine ni tonso ma bin joona, a ka kan ka kolosi kosebe, o kana ke sababu jugu ye misiba ma. A ka ni bagandogoto ogo kora a kora, ka fura dow k'a la.

Dogoto Dogo
Dokala Yusufu Jara

3 - Tayikondo kupudafiriki 9nan kera Yawunde, Kameruni faaba kono, k'a ta zuluyekalo tile 31 na ka se utikalo tile 1 ma. Mali wulila k'a jen medayi 3 ye. Kilo 80tigiw cewla, Umaru Sise ye medayi sanunama soro. Aminata M Tarawele ani Aminata Dunbiya, olu ye medayi nsiralama soro u ka kulu la. Nka Mali faama si ma bila farikolojenajekela ninnu ne ka taa Kameruni. U ka degelikaramogo de tun ye u ka fen bëe ye.

4 - Kupudafiriki basiketi : cew ka basiketi kupudafiriki fana kera Libijamana kan utikalo in na. Mali tun b'o kene kan. Mali gosira Angola fe 79 ni 74. Mali ye Eziputi gosi 67 ni 47, ka Kodiwari gosi 71 ni 58. Nizeriya y'an gosi 74 ni 70. O kofe Mali sera Libijamana na; nka a tilala ka gosi Tinizijamana fe 74 ni 73. O kera Mali sen bolen ye a la. Mali ma joyoro fosi soro.

5 - Afiriki tilebinyanfanjamana : ye nogondan ke YOSEYIKANBUDO la Senegalijamana kan : k'a damine zuluyekalo tile 29 na ka se utikalo tile 1 ma. YOSEYIKANBUDO ye farikolojenaje suguya do ye, min ni zido ani karate ka surun nogon na. Nin tun y'a sihe 8nan ye. Senegali, Benen, Burukina, Nizeri, Kodiwari, Togo, Ginebisawo ani Mali tun b'a kene kan. Metiri Abudulu Wahabu Tarawele, federason cewmœul

dankan, Metiri Bala Sali, degelikaramogo, ani farikolojenajekela mogo 11, olu de taara Mali joyoro fa. Nin sen in na, Maliye Senegali bo golo kan, ka joyoro folo soro. Mali ye medayi 8 soro : sanunama 5 ani warijelama 3. Senegali kera filanan ye : medayi sanunama 4, warijelama 5 ani nsiralama 7. Benen kera sabanan ye : medayi sanunama 1, warijelama 2 ani nsiralama 2.

6 - Atletisimu nogondanba an'a kupudimali : okera Bamako yan arabadon utikalo tile 19 anialamissadon kalotile 20 Bamako yan Modibo Keyita tøgølarikolojenajekela. Nin tun y'a sihe 25nan ye. Mali marabolo bëe tun be kene kan fo Tumutu ani Kidali. Bamako farikolojenajetonw fana tun be kene in kan. Farikolojenajekelaw ye nogon soro boli suguya caman na, panniv, fililiw ani dowerew. USFAS ye joyoro folo soro : kuru 1.503, Sitadi kera filanaye : kuru 1.225, Joliba kera sabanan ye : kuru 1.075 Dakabanako minnu kera, olu ye Mariyamu Sangare ka baara ye; ale ye metere 3000 boli sanga 10 ani murumuru 41 kono, o nogon tun ma deli ka ke folo Mali kono. Sikaso Ngogotiginin do fana kera Mali nana ye metere 1.500 bolili la, a togo Mariyamu Jalo. CSK fana ye kabako ke; bawo a sera ka croyer naaninan soro. Ale tun da te kuma na.

Lasina Jara
Salimu Bajaga
Solomani Bobo Tunkara
Mahamadu Konta

Tulon

Nin ja fila dilanbaga y'a dabo a kama ka fili 10 k'u la. A y'olu nini



Jaabi

1 - Sungurun kardbalen karan. 2 - Sungurun kardbalen da. 3 - Sungurunin ka msursci kuru. 4 - ja min be sungurunin bolol karan. 5 - Tu diblien min be cemancie la. 6 - ja min be so karan kogo la. 7 - Sungurunin kardbalen karan. 8 - ja min be sungurun kardbalen karan. 9 - Tu diblien min be cemancie la. 10 - Koori min be sungurun kardbalen ka tafte karan.

Joliba ye Mali kupu 49nan ta



Nin ye Joliba siye 19nan ye ka Mali Kupu ta

Joliba ye Sitadimaliyen gosi 1 ni 0. A kera Amari Dawu togolantolatankene na Segu, sibridon utikalo tile 22 san 2009. Mogo caman tun ma sigi ni Joliba ka nin sebaaya in ye; sabula kabini ntolatan daminen, Sitadimaliyen cedenwyentola numanba fila soro Joliba ka daga kono. O ntola folo sorola sanga 2nan ni 9nan

furance la Seku M C Dunbiya ni Abudulayi Sisoko fe. Filanan kera sanga 13nan ani 15nan furance la. Nka Sitadi k'o ntola ninnuma u ka mogo si soro Joliba ka joda la.

N'iyejateme k'e, ib'a kolosi ko Sitadi ka ntola bee tun nesinnen b'a ka bidonbaa wara ma; n'o ye Bakari Kulubali ye.

S i t a d i m a l i y e n n e f e m o g o w ma se ka bi don Joliba la k'a sababu ke jawuli ni korojoko jugu

ye. Lasine Jara ka wulikajo folo ye Sitadimaliyen kofemogow ka fegenza jira. O de la Joliba Sori Bangura ni Lasine Jara ye wulikajo barika bonya u kan kosebe. O de kera sababu ye sanga 22nan na, Amadu Jalo be ntola do di Lamini Jawara ma, o be Seku S Ture bo a la ka ntola di Lasine Jara ma k'o to Joliba ka joda la; o y'o tan ka don.

Sitadimaliyen fana ye wulikajo ke ka se fo sanga 28nan ma; min na Bakari Kulubali be ntola tan ka gosi poto la. Segennafijne kera Joliba ka 1 ni 0 kan. O kofe, Sitadimaliyen cedenw y'u yere di walasa ka Joliba ka kuru jibo; nk'o b'a soro Joliba y'a ka kofela sinsin.

Sitadimaliyen cedenw b'a ke cogo bee ka dese u te bi don. Ntolantan sana bannen farakan konona na Bakari Kulubali be bi do don, jalatigeba b'a jira k'a fo k'a ma don..

Yanni o ce, Joliba ntalatannan mintogo Yaya Kulubali o genna karton bileman na. O bee kofe, Joliba cedenw b'u cesiri k'u jo u joyorla fo ka taa se ntolatan laban ma.

Nin sebaya kura in b'a to Joliba ka lajinimin n'otunye Sanpiyonna ni Kupudi Mali ye o ka waleya.

Nin be ke Joliba ka Kupu 19nan ye, Sitadi maliyen ta ye 17 ye, Reyali ta ye 9 ye, «COB» ta ye 2 ye, Kayi Sigi «ASB» ta ye kelen-kelen.

**Salimu Bajaga
Medi Nare**

Joliba kera ntolatanton nana ye ninan

Mali ntolatanton nana ka nogondan n'an ko a ma tubabukan na «sanpiyonna» o kuncera. Wa a jaabiw bee lajelen donna kaban. A ma ke balananko ye. Joliba de kera Mali ntolatanton nana ye. Nin b'a ke a siye tan ni filannan ye an ka tariku kono, Joliba ka ke Mali nana ye.

Joliba ka nin nana in sorola a ka sebaaya fe COB kan 3ni2, nogonkunbenw labandon na; n'o ye alamisadon zuluyekalo tile 30 san 2009.

Jatemine na, i b'a ye ko baaraw tun nogoyara kabini tile 25nan don; bawo COB gosira CSK fe 1ni 0. Nin geloya in temenen kofe, COB tun ka kan ka kuru 5 de don ani Joliba la, walasa ka Joliba ka nana bali.

Ontolatandon, Berehima Jalo ka cedenw ye ntolatan damine ka ne; Bawo kabini sanga 3nan na, COB ka celuyaarako folo kera Bubakari Danbel fe, k'a sabu ke Joliba ka celukolsibaa Seku Umaru Bacili ka fili juguba do ye.

Wulikajobarika bonyanen, COB ka ceden

min ye Morimakan Koyita ye, o ye ntola numanba do soro birisa nagami do konona na; nka a y'o tan ka teme celu kerefe. Sanga damado o kofe, ale Morimakan kelen in tanna k'a bin Joliba ka paraje tan ni seegin konona na Ginbalawulen Tunkara fe; nka jalatigebaa ma fen fo. Sanga tanna na, Joliba ye COB ka kuru donnen jibo a ka kalamanin 12 fe; n'o ye Karimu Sogoba ye. Joliba k'o kurudonna dogodogonin do de senfe, min tanna Lasine Jara fe. In'a fo sigitun kelen be n'a ye cogo min na, o kuru in kera sababu ye Heremakono cedenw b'u yere soro. U tora o cogo de lafo ka se sanga 29nan ma; Zanwiye Abuta ye Joliba ka kuru filanan don. Sanga kelen yanni segennafijnebok e, Usumani Sise kuru sabanan don ka kunpan bee ban pewu. Wulikajo filanan na n'o ye segennafijnebok e ye, COB y'a ka kuru filannan don u ka mogo kura donnen fe; n'o ye Isimayila Jara ye.

Jigitige konona na, COB ceden do ye ntola numanba do soro Joliba ka celuda

la; yanni o k'o tan jalatigebaa ye file fiye ka ntolatan kunce. Ntolatan bannen, Morimakan Koyita n'a tonogonw ye Mali nana kura fo a ka sebaaya la; n'o ye Joliba ye.

**Solomani Bobo Tunkara
Medi Nare**

«AMAP» kintigi
Solomani Darabo
-Mali kanw kunnafonisebenw
baarada kintigi
Planze Samake

Kibaru
BP : 24 Telefoni : 20-21-21-04
Kibaru Bugufiye Bosola
Bamako - Mali
Sebennijekulu
Mahamadu Konfa, Dokala
Yusufu Jara
Labugunyore : Kibaru gafedilan
baarada
Bolen-hake 16 000